

七十二家集

傅鷟觚集引

傅鷟觚古之遺直也似乎疾惡  
太嚴守官太厲多峭激而少含  
弘顧典午之際風靡極矣脆骨  
柔腸望塵自萎有一人焉義足  
以戢衆足以伸理神崖每峻

倍揭日月而行憲准常憲時扶  
風霜之肅雖汪子頃之不足要  
以嚴之于似有餘矣若乃原本  
儒宗而發皇新事掌綜經術  
而潤飾朝典衆府詩歌琴瑟之  
大樹  
吐花雖少遠致然騰清自在焉

文章務取意盡義然坦逢趙  
宗人實薪火傳于此也

上章敦詳至後二日張燮撥于  
離垢菴

傅鶚觚集目錄

卷之一

賦

朝會賦

又

又

正都賦

又

又

又

辟雍鄉飲酒賦

陽春賦

述夏賦

大寒賦

喜霽賦

吊秦始皇賦

有序

筆賦

硯賦

琵琶賦

有序

又

箏賦

圓扇賦

相風賦

有序

酒賦

又

卷之二

賦

桃賦

李賦

玄棗賦

石榴賦

瓜賦

桑椹賦

柳賦

蒼賦

鬱金賦

紫花賦

有序

空男花賦

菊賦

有序

雉賦

山雞賦

鷹賦

又

鸚鵡賦



鬪雞賦

蟬賦

乘輿馬賦

良馬賦

又

又

又

馳射馬賦

又

又

又

走狗賦

狻猴賦

鷹兔賦

卷之三

樂府

晉郊祀歌三首

夕牲歌

迎送神歌

饗神歌

三章

晉天地郊明堂歌六首

夕牲歌

降神歌

天郊饗神歌

地郊饗神歌

又

明堂饗神歌

晉宗廟歌十一首

夕牲歌

迎送神歌

征西將軍登歌

豫章府君登歌

潁川府君登歌

京兆府君登歌

宣皇帝登歌

景皇帝登歌

文皇帝登歌

饗神歌

二章

晉四廂樂歌三首

正旦大會行禮歌

四章

上壽酒歌

食舉東西廂歌

十三章

晉鼓吹曲二十二首

靈之祥

宣受命

征遼東

宣輔政

時運多難

景龍飛

平玉衡

文皇統百揆

因時運

惟庸蜀

天序

大晉承運期

金靈運

於穆我皇

仲春振旅

夏苗田

仲秋獮田

順天道

唐堯

玄雲

伯益

鈞竿

晉正德大豫舞歌二首

正德舞歌

大豫舞歌

晉宣武舞歌四首

惟聖皇篇

矛俞第一

短兵篇

劍俞第二

軍鎮篇

弩俞第三

窮武篇

安臺行亂第四

晉宣文舞歌二首

羽籥舞歌

羽鐸舞歌

晉鼙舞歌五首

洪業篇



天命篇

景皇篇

大晉篇

明君篇

晉鐸舞歌

雲門篇

卷之四

樂府

短歌行

秋胡行

惟漢行

豔歌行

長歌行

豫章行苦相篇

和秋胡行

飲馬長城窟行

放歌行

豔歌行有女篇

牆上難爲趨

怨歌行朝時篇

秋蘭篇

明月篇

前有一罇酒行

何當行

却東西門行

美女篇

飛塵篇

董逃行歷九秋篇十二首

吳楚歌

鴻鴈生塞北行

白楊行

秦女休行

雲中白子高行

西長安行

車遥遥篇

昔思君

詩

答程曉詩

程曉贈傅休奕詩附

宴會詩

芙蓉

雜詩三首

又答程曉

程曉又贈傅休奕詩附

宴詩

天行篇

日昇歌

三光篇

衆星詩

苦雨

苦熱

古詩

擬四愁詩四首

并序

兩儀詩

天行歌

驚雷歌

雜言

雲歌

蓮歌

啄木

雜歌

九曲歌

歌詞

失題五首

卷之五

疏

陳時務疏

晉武帝答詔附

水旱上便宜五事疏

晉武帝答詔附

舉清遠疏

表



賀老人星表

二首

序

贈扶風馬鈞序

連珠序

華嶽銘序

卷之六

論

荀何論

又

又

贊

漢高祖畫贊

漢明帝畫贊

班婕妤畫贊

箴

吏部尚書箴

太子少傅箴

銘

印銘

劍銘

棟銘

筆銘

鏡銘

杖銘

澡盤銘

燈銘

龜滴銘

席銘

被銘

衣銘

裳銘

冠銘

履銘

玄龍銘

靈蛇銘

誠

口誠

墓誌銘

江夏太守任君墓誌銘

誄

太僕龐侯誄

祝文

祝社文

附錄

傅玄傳

唐太宗

與傅玄書

晉程曉

遺事

集評

傳鵜觚集卷之一

晉北地傳玄休奕著

明閩漳張爽紹和纂

賦

朝會賦

仰二皇之文象詠帝德乎上系考夏后之遺訓  
綜殷周之典制采秦漢之舊儀肇元正之嘉會  
於是先期戒事衆官允勅萬國咸亨各以其職  
翼翼京邑巍巍紫極前三朝之夜半庭燎晃以

舒光華燈若乎火樹熾百枝之煌煌俯而察之  
如亢燭龍而炤玄方仰而觀焉若披丹霞而鑒  
九陽閭闔闢天門開坐太極之正殿嚴嵯峨以  
崔嵬嘉廣庭之敞麗美升雲之玉階相者從容  
俟次而入濟濟洋洋肅肅習習就位重列面席  
而立臚人齊列賓禮九重群后德讓海外來同  
束帛戔戔羔鴈邕邕獻贊奉璋人肅其容是時  
天子盛服晨興坐武帳憑玉几正南面而聽朝  
平權衡平砥矢群司百辟進阼納觴皇恩下降



休氣上翔禮畢饗讌進止有章六樂遞奏磬管  
鏗鏘淵淵鼓鐘嘒嘒笙簧搏拊琴瑟以詠先皇  
雅歌內協頌聲外揚

又

乃有海西名倡齊東才舞手無廢音足不徒跼

又

後戲於雲表燕躍于輕機

正都賦

撫琴瑟陳鐘簴吹鳳簫擊鼉鼓奏新聲理秘舞  
乃有材童妙妓都盧迅足緣脩竿而上下形旣  
變而景屬忽跟挂而倒絕若將墜而復續虬縈  
龍蛇委隨紆曲杪竿首而腹旋承嚴節之繁促  
於是神嶽雙立岡巖崱崱靈草蔽崖嘉木成林  
東父翳青蓋而遐望西母使三足之靈禽列仙  
逸唱熊虎聽音丹蛟吹笙文豹鼓琴素女撫瑟  
而安歌聲可意而入心倥佗企而鶴立和清響

而哀吟

又

五采文身質美光炫激衝風於秦鑪飛光天之

烈燄

又

苗山之鋌鑄以爲劍其利也陸斷犀兕水截輕  
鴻灑奔駟於中衢斬雙蛟於大江將以威天下  
而禦群凶

又

手戲絕倒凌虛寄身跳丸擲搯飛劍舞輪

辟雍鄉飲酒賦

時皇帝親枉萬乘之尊號以幸乎辟雍鹵簿齊  
列官正其容乃延卿士乃命王公定小會之常  
儀兮饗殊俗而見遠邦揖讓而升有主有賓禮  
雖舊制其教惟新若其俎豆有數威儀翼翼賓  
主百拜貴賤脩勅酒清而不飲肴乾而不食及  
至嚶嚶笙磬喤喤鐘鼓琴瑟安歌德音有叙樂  
而不淫好樸尚古四坐先迷而後悟然後知禮  
教之弘普也

陽春賦

虛心定乎昏中龍星正乎春辰嘉句芒之統時  
宣太皞之威神素冰解而泰液洽玄黷祭而鴈  
北征乾坤絀緼冲氣穆清幽蛰蠢動萬物樂生  
依依楊柳翩翩浮萍桃之天天灼灼其榮繁華  
燁而耀野煒芬葩而揚英鵲營巢於高樹燕銜  
泥於廣庭覩戴勝之止桑兮聆布穀之晨鳴樂  
仁化之普宴兮異鷹隼之變形習習谷風洋洋  
綠泉丹霞橫景文虹竟天

述夏賦

四月惟夏運臻正陽和氣穆而扇物麥含露而  
飛芒清徵泛於琴瑟朱鳥感於炎荒鹿解角於  
中野草木蔚其條長

大寒賦

五行倏而競驚兮四節奔而電逝  
諒暑往寒來  
十二月而成歲日月會于析木兮  
重陰淒而增  
肅彩虹藏於虛廓兮鱗介潛而長伏  
若乃天地  
凜烈庶極氣否嚴霜夜結悲風晝起  
飛雪山積  
蕭條萬里百川明而不流兮冰凍合於四海  
扶  
木憔悴於湯谷若華零落於濛汜



喜霽賦

喜陰霖之旣霽嘉良辰之肇晴悅氛電之潛匿  
兮樂天鑑之孔明行潦歸於百川兮七氣徹於  
云庭東風穆而扇路重陽昇其舒靈去湮沒之  
憂患卽通塗之敞平釋昏墊之蒙昧觀日月之  
光榮若幽龍之出泉兮超飛躍乎太清昔唐帝  
之欽明兮邁洪水之巨害在殷湯之盛時兮亢  
炎旱以歷歲伊我后之神聖兮敷皇道以居帝  
雖風雨之失度兮嘉穀之無敗咸調暢以茲

茂兮天人穆其交泰命怡樂之吐和兮播仁風  
於無外

吊秦始皇賦

有序

余治獄至長安觀乎阿房而吊始皇曰

傷秦政之爲暴棄仁義以自亡搦紙申辭以吊  
始皇有姬失統命不於常六國旣平奄有萬方  
政虐刑酷如火之揚致周章之百萬取發掘於  
項王疲斯民乎官墓甚癸辛於夏商未旋踵而  
爲墟屯麀麀乎廟堂國旣顛而莫扶孰阻兵之  
爲強

筆賦

簡脩毫之奇兔選珍皮之上翰濯之以清水芬  
之以幽蘭嘉竹翠色彤管含丹於是班匠竭巧  
名工逞術纏以素臬納以玄漆豐約得中不文  
不質爾乃染芳松之淳煙寫文象於純素動應  
手而從心煥光流而星布

硯賦

採陰山之潛樸簡衆材之攸宜節方圓以定形  
鍛金鐵而爲池設上下之剖判配法象乎二儀  
木貴其能軟石美其潤堅加采漆之膠固含冲  
德之清玄

琵琶賦

有序

世本不載作者故老云漢送烏孫公主念其行道思慕使知音者載琴箏篳篥之屬作馬上之樂觀其器中虛外實天地象也盤員柄直陰陽叙也四弦法四時也以方語目之故云琵琶取易傳于外國也杜摯以爲嬴秦之末苦長城之役百姓玄鼗而鼓之二者各有所據以意斷之烏孫近焉

素手紛其若飄兮逸響薄於高梁弱腕忽以競

騁兮象驚電之絕光飛纖指以促柱兮創發越  
以哀傷時旃擲以劫蹇兮聲激耀以激揚啓飛  
龍之祕引逞竒妙於清商哀聲內結沉氣外激  
舒誕沈浮徊翔曲折

又

然後衆弄雜會六引遞奏纖絃振舞迅手繁驚  
又

控絳柄以布柱轉四時而發機

箏賦

陰沉陽升柔屈剛興玄黃之分推故引新迭爲  
主賓四時之陳 追赴促彈急擊扣危洪纖雜  
沓或合或離 清濁代興有始有終哀起清羽  
樂混大宮



圓扇賦

何皎月之纖素擬皓日而軟貞晞筵蒨之芳烈  
隨變體而殊名勁節剛以立質象日月之定形  
非堂書抄載傳玄統扇賦曰隆  
暑翁以鬱蒸炎氣燎于幽房

相風賦

有序

昔之造相風者其知自然之極乎其達變通之  
理乎上稽天道陰陽之運表以靈鳥物象其類  
下憑地體安貞之德鎮以金虎玄成其氣風雲  
之應龍虎是從觀妙之徵神明所通夫能立成  
器以占吉凶之先見者莫精乎此

乃構相風因象設形蜿蜒盤獸以爲趾建脩竿之  
亭亭體正直而無撓度徑挺而不傾棲神鳥於  
竿首候祥風之來征

酒賦

課長興與中山北蒼梧與安城造藥限以  
味蜜甜而膽苦

又

飲者杯無算甌醴成川渠

又

應酒旗之明象赴酒泉之佳名

傅鵠集卷之二

晉北地傅玄休奕著

明閩漳張燠紹和纂

賦

桃賦

有東園之珍果兮承陰陽之靈和  
結柔根以列樹兮豔長畝而駢羅  
夏日先熟初進廟堂辛氏踐秋厥  
味益長花落實結與時剛柔旣甘且  
脆入口消流亦有冬桃冷伴冰霜和  
神適意恣口

所嘗華升御於內庭兮飾佳人之令顏實充虛  
而療饑兮信功烈之難原嘉放牛於斯林兮悅  
萬國之又安望海島而慷慨兮懷度索之靈山  
何茲樹之獨茂兮條枝紛而麗閑根龍虬而雲  
結兮彌萬里而屈盤禦百鬼之妖慝兮列神荼  
以司奸辟凶邪而濟正兮豈唯榮美之足言

李賦

植中州之名果分結脩根於芳園嘉列樹之蔚  
蔚兮美弱枝之爰爰旣乃長條四布密葉重陰  
夕景迴光傍蔭蘭林於是肅肅晨風飄飄落英  
潛實內結豐彩外盈翠質未變形隨運成清角  
奏而微酸起大宮動而和甘生旣變洽熟五色  
有章種別顙分或朱或黃甘酸得適美逾蜜房  
浮彩點駁赤者如丹入口流濺逸味難原見之  
則心悅含之則神安乃有河沂黃建房陵縹青

一樹三色異味殊名乃上代之所不覩兮咸升  
御乎紫房周萬國之口實兮充薦饗於神靈昔  
怪古人之感貺乃答之以寶瓊翫斯味之奇瑋  
兮然後知報之爲輕

玄棗賦

有蓬萊之嘉樹植神州之膏壤擢剛莖以排虛  
誕幽根以滋長北陰塞門南臨三江或布燕趙  
或廣河東旣乃繁枝四合豐茂蓊鬱斐斐素華  
離離朱實脆若離雪甘如含蜜脆者宐新當夏  
之珍堅者宐乾薦羞天人有棗若瓜出自海濱  
全生益氣服之如神



石榴賦

鳥宿中而緘條結龍辰升而丹華繁其在晨也  
灼若旭日棲扶桑其在昏也奭若燭龍吐潛光  
苞玄黃之列輝綠燁燁而焜煌發朱榮於綠葉  
時從風而颺揚

瓜賦

調土下種播之有經應運候時負甲徐生遂日  
就而月將旣成母而盤縈次落莫之密葉兮交  
逶迤之脩莖敷碧綠之純朱金華炳其朗明育  
之以人功養之以六氣黃逾金紺青侔含翠雖  
狸首之甘美兮未若東門之奇偉舊有密筍及  
青栝婁嘉味溢口鮮顛寡儔一齧之頃至三搖  
頭選美芳園重簡其珍披以吳刀承以朱盤中  
割而破雖分若完質兼五味氣美芳蘭愈得冷

而益甘兮怡神爽而解煩細肌密理多瓢少辦  
豐旨絕異食之不餍

桑椹賦

繁實離離含甘吐液翠朱三變或玄或白嘉味殊滋食之無斁

柳賦

美允靈之鑠氣兮嘉木德之在春何茲柳之珍  
樹兮稟二儀之清純受大角之禎祥兮生濛汜  
之遐濱參剛柔而定體兮應中和以屈伸長莖  
舒而增茂兮密葉布而重陰夾通塗與廣庭兮  
環清沼而成林於是玄雲被岳素景含暉泰液  
渥流朝露未晞是精靈之所鍾兮蔚鬱鬱以依  
依居者觀而弭思兮行者樂而忘歸夫其結根  
建本則固於泰山兼覆廣施則均於昊天雖尺

斷而逾滋兮配生生於自然無邦壤而不植兮  
象乾道之屢遷紛倚靡以從風兮若將往而復  
旋若乃豐葩茂樹長枝夭夭阿那四垂凱風振  
條同志來遊攜手逍遙

耆賦

春邁衡德於青陽混百卉而萌生逮朱夏而脩  
茂暨商秋而堅貞雖離霜而未彫與潛龜乎通  
靈於是原極以道握形以度以類萬物之情以  
通天下之故豈唯終始於事業乃參天而倚數  
棄原野之蕭條升雲階而內御運茲莖於掌握  
爰象形而星布信鉤深而致遠實開物而成務

鬱金賦

葉萋萋兮翠青英蘊蘊而金黃樹奄藹以成陰  
氣芬馥而含芳淩蘇合之殊珍豈艾納之足方  
榮曜帝寓香播紫宮吐芬揚烈萬里望風



紫花賦 有序

紫華一名長樂華舊生於蜀其東界特饒中國  
奇而種之余嘉其華純耐久可歷冬而服故與  
友生各爲之賦

有遐方之奇草稟二氣之純精仰紫微之景曜  
因令色以定名剛莖勁立纖條繁列從回風以  
搖動紛蘭暢而蕙潔蔚青葱以增茂竝含華而  
未發於是散綠葉秀紫榮蘊若芝草之始敷灼  
若百枝之在庭獨參差以照耀何光麗之雜形

渙渙昱昱而奪人目精下無物以借喻上取象  
於朝霞妙萬物而比豔莫茲草之可嘉

太平御覽傳玄

紫華賦尚有葩豔挺于碧  
枝兮煥若珊瑚之翠英

宐男花賦

猗猗令草生於中方花曰宐男號應禎祥遠而  
望之煥若三辰之麗天近而察之明若芙蓉之  
鑒泉於是狡童媛女以時來征結九秋之永思  
含春風以娛情

菊賦

有序

詩人觀王雎而咏后妃之德屈平見朱橘而申  
忠臣之志

布濩河洛縱橫齊秦掇以纖手承以輕巾揉以  
玉英納以朱脣服之者長壽食之者通神

雉賦

稟炎離之正氣應朱火之禎祥播五彩之繁縟  
被華文而成章冠列角之盛儀翹從風而飄揚  
履嚴距之武節超鸞跼而鳳翔感天和而貽瑞  
進據鼎而祚商樂周道之方隆敷皓質於越裳

山雞賦

惟南州之令鳥兼坤離而體珍被黃中之正色  
敷文象以飾身翳景山之竹林超遊集乎水濱  
鑒中流以顧影晞雲表之清塵

鷹賦

含炎離之猛氣兮受金剛之純精  
獨飛峙於林野兮復翱翔於天庭  
左看若側右視如傾勁翮二六  
機連體輕鈎爪懸芒足如枯荆  
嘴利吳戟目穎星明雄姿邈世  
逸氣橫生

又

奮翅不得起撫翼無所翔  
飾五采之華絆結璇璣之金  
鐸雖逍遙於廣廈思擊厲於中原

鸚鵡賦

奇毛曜體綠采含英鳳翔鸞跼孔質翠榮發言  
輒應若響追聲懸賴分於丹足婉朱味之熒熒



鬬雞賦

玄羽黝而含曜兮素毛穎而揚精紅縹廁於微  
黃兮翠彩蔚而流青五色錯而成文兮質光麗  
而豐盈前看如倒傍視如傾目象規作嘴似削  
成高膺峭峙雙翅齊平躍身竦體怒勢橫生爪  
似鍊鋼目如奔星揚翹因風撫翮長鳴猛志橫  
逸勢凌天廷或躑躅踟躕或囁唅容與或爬地  
俯仰或舞翼未舉或狼顧鴟視或鸞翔鵠舞或  
佯背而引敵或畢命於強禦於是紛紜翕赫雷

合電擊爭奮身而相戟兮競隼鷲而鵬睨得勢  
者凌九天失據者淪九地徒觀其戰也則距不  
虛挂翮不徒拊意如饑鷹勢如逸虎

蟬賦

美茲蟬之純潔兮稟陰陽之微靈含精粹之貞  
氣兮體自然之妙形潛玄昭於后土兮雖在穢  
而愈馨經青春而未育兮當隆夏而化生忽神  
蛻而靈變兮奮輕翼之浮征翳密葉之重蔭兮  
噪閑樹之肅清緣長枝而仰觀兮吸渥露之朝  
零洎無爲而自得兮聆商風而和鳴聲嗒嗒以  
清和兮遙自託乎蘭林嗟群吟以近唱兮似簫  
管之餘音清激暢於遐邇兮時感君之丹心

乘輿馬賦

目若曜星符采橫發高顛懸日雙壁象月頭似  
削成鬣如髣髴延首高驤擢足軒時氣蓋青雲  
勢凌萬里九方不能測其天機秦公不能究其  
妙理

良馬賦

金羈在首發以明珂  
鏤鞍采鞞織勒含華

又

飾以金羈甲以玉纓  
結以輕軒節以和鈴

又

鞭不得搖手不及動  
忽然增逝力飛骨踴

又

奮疊沛艾虎據麟跂  
望雲睇景乘虛四起  
縱銜斯逝攬轡則止

馳射馬賦

何逸群之奇駿生濛汜之遐濱附南方以定位  
表天駟於三辰儀乾行之剛健憑坤厚以託身  
豈驥德之足慕晞萬里之清塵

又

百鳥齊興六驥孔閑金銜玉羈文勒鏤鞍明珂  
景朗華韝采鮮

又

俛如革戾如膠鞭裁向腹奮尾跳尻

又

耳小易使鼻大勢怒往來若鷹鷂超騰如逸虎

走狗賦

蓋輕迅者莫如鷹猛捷者莫如虎惟良犬之稟  
性兼二儒之勁武應天人之景暉順儀象而近  
處憑水木之和氣鍊金精以自輔統黔喙於秋  
方居太素之內寓諒韓盧其不抗豈晉葵之能  
禦旣乃濟盧泉涉流沙踰三光跨大河希代來  
貢作珍皇家骨相多奇儀表可嘉足懸鉤爪口  
含素牙首顙驤螭尾如騰蛇脩頸濶腋廣前稍  
後豐顙促耳長義緩口舒節急筋豹耳龍形蹄



如結鈴五魚體成勢若凌青雲目若泉中星轉  
視流光朱曜赤精震茹黃而惛宋鵲兮越妙古  
而揚名於是尋漏跡躡遺踪形疾騰波勢如駭  
龍邈朝鳥之輕機兮絕猛獸之逸軌漂星流而  
景屬兮逾窈冥而騰起陵岡越絳橫山超谷原  
無遁兔林無隱鹿顧正隰以嬉遊兮步蘭皋而  
騁足然後娛志苑囿逍遙中路屬精萊以待蹤  
逐東郭之狡兔旣洋洋以衍衍逞妙觀於永路  
旣迅捷其無前又閒暇而有度樂極情遺逸足

未殫抑武烈而就羅兮順指麾而言旋歸功美  
於執綬兮其槃瓠之不虞感恩養而懷德兮願  
致用於後田聆轡車之鸞鑣兮逸獨矯而盤桓

援猴賦

余酒酣耳熱懼顏未伸遂戲猴而縱猿何歎眈  
之驚人戴以赤幘襪以朱巾先裝其面又丹其  
脣揚眉蹙額若愁若瞋或長眠而抱勒或嚙咋  
而齟齬或頤仰而踟躕或悲嘯而唵呻旣似老  
公又類胡兒或低眩而擇颯或抵掌而胡舞

鷹兔賦

鷹謂兔曰汝害于物有益于世華髦被札彤管以制